



FARG'ONA VILOYATI RISHTON TUMANI HOKIMINING QARORI

2022 - yil 27 - may

179-11-158-Q/22

Rishton tumani hokimligi

Ўзбекистон Республикаси Вазирлар Маҳкамасининг 2022 йил 2 февралдаги “Автомобиль йўллари соҳасида очиқлик стандартларини жорий этиш ва соҳада жамоатчилик назоратини кучайтириш чора-тадбирлари тўғрисида”ги 49-сонли ҳамда вилоят ҳокимининг 2022 йил 11 апрелдаги 149-11-0-Q/22-сонли қарорлари хақида

Автомобиль йўлларини куриш, реконструкция қилиш ва таъмирлаш соҳасида мутлақо янги очиқлик стандартларини жорий этиш ва шаффоффликни таъминлаш, соҳада жамоатчилик назоратини кучайтириш ҳамда Ўзбекистон Республикаси Вазирлар Маҳкамасининг 2022 йил 2 февралдаги “Автомобиль йўллари соҳасида очиқлик стандартларини жорий этиш ва соҳада жамоатчилик назоратини кучайтириш чора-тадбирлари тўғрисида”ги 49-сонли ҳамда вилоят ҳокимининг 2022 йил 11 апрелдаги 149-11-0-Q/22-сонли қарорларининг ижросини таъминлаш мақсадида

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг 2022 йил 2 февралдаги “Автомобиль йўллари соҳасида очиқлик стандартларини жорий этиш ва соҳада жамоатчилик назоратини кучайтириш чора-тадбирлари тўғрисида”ги 49-сонли ҳамда вилоят ҳокимининг 2022 йил 11 апрелдаги 149-11-0-Q/22-сонли қарорлари раҳбарлик ва ижро учун қабул қилинсин.

2. Ушбу қарор билан қўйидагилар:

Транспорт вазирлиги хузуридаги Автомобиль йўллари қўмитаси (*кейинги ўринларда — Автомобиль йўллари қўмитаси*) томонидан автомобиль йўллари соҳасида шаффоффлик ва жамоатчилик олдидаги ҳисобдорлик стандартларини жорий қилиш бўйича «Shaffof yo'l» онлайн ахборот платформаси (*кейинги ўринларда — «Shaffof yo'l» платформаси*) ишлаб чиқилганлиги;

Автомобиль йўллари қўмитаси, Молия вазирлиги ва Ахборот технологиялари ва коммуникацияларини ривожлантириш вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда автомобиль йўллари соҳасига тегишли маълумотлар базасини ўз ичига олган «Shaffof yo'l» платформасини 2022 йил 1 июлдан бошлаб тест режимида ишга тушириши белгиланганлиги;

«Shaffof yo'l» онлайн ахборот платформасида автомобиль йўллари соҳасида очиқ ахборотлар шаклида жойлаштирилиши лозим бўлган маълумотлар рўйхати 1-иловага, туман (шаҳар)лар маҳаллий бюджетлари параметрларида ҳудудий ички хўжалик йўлларни таъмирлаш учун ажратилган маблағларни жамоатчилик фикри асосида аниқланган ички хўжалик йўлларини таъмирлашга йўналтириш тартиби тўғрисидаги низом 2-иловага мувофиқ мувофиқ тасдиқланганлиги;

Куйидагилар белгиланганлиги, жумладан:

а) автомобиль йўлларини қуриш, реконструкция қилиш, таъмирлаш ва сақлаш ишлари учун йўналтирилаётган маблағларнинг ҳаракати тўғрисидаги маълумотлар — Молия вазирлиги томонидан;

автомобиль йўлларини қуриш, реконструкция қилиш ва таъмирлаш обьектларида олиб борилаётган йўл қурилиш ишлари ҳақидаги, шу жумладан, умумий фойдаланишдаги автомобиль йўллари билан боғлиқ маълумотлар — Автомобиль йўллари қўмитаси томонидан;

маҳаллий ҳокимликлар буюртмачилигидаги ички хўжалик йўллари, шаҳарлар ва бошқа аҳоли пунктларида кўчалар тўғрисидаги маълумотлар — Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан шакллантирилиб, «Shaffof yo'l» платформасига киритилиши белгиланганлиги;

б) «Shaffof yo'l» платформасининг алоҳида саҳифаси орқали аҳолининг йўллар носозлиги, шунингдек, йўлларда ва йўл бўйида хавфсиз ҳаракатланиш учун юзага келган фавқулодда техник муаммолар (*светофорлар ва йўл белгилар ўрнатилмаганлиги ёки уларнинг шикастланганлиги, табиий оғатлар натижасида юзага келадиган ҳодисалар ортидан ҳосил бўладиган оқибатлар*) ҳақида фото ва видеомурожаатлар — жамоатчилик фикри асосида шакллантирилиши;

в) «Shaffof yo'l» платформасида жойлаштириладиган маълумотлар базаси Автомобиль йўллари қўмитаси расмий веб-сайти ҳамда манфаатдор вазирлик ва идораларга тегишли маълумотлар базалари билан интеграциялашган ҳолда юритилиши;

Молия вазирлигининг «Очиқ бюджет» ахборот портали (*кейинги ўринларда — «Очиқ бюджет» портали*) орқали туман (шаҳар)лар бюджетлари параметрларида ҳудудий ички йўлларини таъмирлаш учун ажратилган маблағларни жамоатчилик фикри асосида шаклланган ички хўжалик йўлларни таъмирлашга йўналтириш тўғрисидаги таклифига розилик берилганлиги маълумот учун қабул қилинсин.

3. Туман ҳокими ўринбосари Н.Орипов, туман йўллардан фойдаланиш унитар корхонаси (Акбаров), Кадастр агентлиги туман бўлими (Мирзахмедов), тегишли корхона ва ташкилотлар билан бирга:

Автомобиль йўллари қўмитаси томонидан илғор хорижий тажрибага асосланган ҳолда 2022 йил 1 майга қадар ишлаб чиқиладиган автомобиль йўлларини қуриш, реконструкция қилиш ва таъмирлаш обьектларининг интерактив онлайн харитаси-схемасини (*кейинги ўринда —харита*) «Shaffof yo'l» платформасига жойлаштириш бўйича хамкорликда ишларни олиб бориш;

2023 йилдан бошлаб ва кейинчалик ҳар йили шаҳар ва туман ҳокимликлари билан биргаликда кейинги йилда қурилиши, реконструкция қилиниши, таъмирланиши назарда тутилган барча тоифадаги йўл участкаларини харитага жойлаштириш амалиётини йўлга қўйсин. Бунда, харитадаги ҳар бир обьект бўйича техник-паспорт, фото-видео материаллар юритилиши ва акс эттирилиши инобатга олинсин.

4. Туман ҳокимининг ўринбосарлари А.Мустафакулов, Н.Орипов, туман Молия бўлими (Джўраев), тегишли корхона ва ташкилотлар билан биргаликда 2022 йил 1 марта қадар:

ички хўжалик йўлларининг жойлашган манзили (*геопозицияси*), тўлиқ номи, узунлиги, ҳолати (*асфальтланган, таъмирталаб*) ва бошқа маълумотларни ўз ичига олган Ички хўжалик йўллари реестрини шакллантирсин;

ички хўжалик йўллари реестиридан геомаълумот асосида фуқаролар томонидан тегишли ҳудуддаги ички хўжалик йўлини танлаш орқали ўз таклифини қолдириш имкониятини яратсин;

«Очиқ бюджет» порталининг «Shaffof yo'l» платформаси билан интеграция қилинишини ҳамда «Очиқ бюджет» порталининг мобиль иловаси ишга туширилишини таъминласин.

Бунда, фуқаролар томонидан ички хўжалик йўлларини реал вақтдаги жойлашган жойи (геолокация) асосида қайд этиш орқали ички хўжалик йўллари тўғрисида хабар бериш имконияти назарда тутилсин.

5. Туман Молия бўлими (Джўраев), манфаатдор корхона ва ташкилотлар билан биргаликда ўзлари қабул қилган норматив-хуқукий хужжатларни бир ой муддатда ушбу қарорга мувофиқлаштирсин.

6. “Риштон ҳақиқати” тахририяти (Йигиталиев), туман ҳокимлиги матбуот хизмати (Дехқонов) билан биргаликда ушбу қарор мақсади ва вазифалари оммавий ахборот воситаларида кенг ёритилишини таъминласин.

7. Туман ҳокими ўринбосари Н.Орипов, туман йўллардан фойдаланиш унитар корхонаси (Акбаров) тегишли корхона ва ташкилотлар билан биргаликда бир ой муддатда ички хўжалик йўлларни цемент-бетон қопламага ўтказган ҳолда таъмирлашда:

цемент-бетон қопламали йўлларни қуришга ихтисослашган тажрибали корхоналар фаолиятини ўрганиш асосида уларнинг технологияларини татбиқ этиш ва маҳсус ускуналарни харид қилиш;

йирик цемент-бетон ишлаб чиқарувчи корхоналар билан кооперацион алоқаларни ўрнатиш орқали йўлларни таъмирлаш таннархини туширишни таъминловчи тадбирлар амалга оширилишини назарда тутувчи «йўл хариталари»ни ишлаб чиқиш юзасидан зарурӣ ишларни амалга оширсин.

8. Мазкур қарорнинг бажарилишини назорат қилиш туман ҳокимининг ўринбосари Н.Орипов зиммасига юклансин.

Tuman hokimi



С.Солиев

Rishton tuman hokimining
2022 yil 27 maydagi
179-11-158-Q/22-sون qaroriga
1-ilova

Farg‘ona viloyat hokimining

2022 yil 11 apreldagi

149-11-0-Q/22-sон qarori bilan tasdiqlangan

«Shaffof yo'l» онлайн ахборот платформасида автомобиль йўллари соҳасида очик ахборотлар шаклида жойлаштирилиши лозим бўлган маълумотлар

РЎЙХАТИ

T/p	Маълумот тури	Тақдим этиш ва янгилаш муддати	Жойлаштириш учун масъул вазирлик ва идоралар
1.	Молия вазирлиги хузуридаги Автомобиль йўлларини ривожлантириш мақсадли жамғармасига ҳамда Корабалпогистон Республикаси Молия вазирлиги, вилоятлар ва Тошкент шаҳар ҳокимликлари молия бош бошқармалари хузуридаги Автомобиль йўлларини ривожлантириш худудий мақсадли жамғармаларига республика бюджетидан ҳар йили ажратиладиган мақсадли маблағлар.	Реал вақт режимида	Молия вазирлиги
2.	Автомобиль йўллари соҳасига ажратиладиган ҳалқаро молия институтлари маблағлари.	Реал вақт режимида	Молия вазирлиги
3.	Автомобиль йўллари соҳаси учун Ўзбекистон Республикасининг Тикланиш ва тараққиёт жамғармаси ажратмалари.	Реал вақт режимида	Молия вазирлиги, Тикланиш ва тараққиёт жамғармаси
4.	Умумий фойдаланишдаги автомобиль йўлларида жорий таъмирлаш ва сақлаш ишларини молиялаштириш учун ҳар йили ажратиладиган мақсадли маблағлар.	Ҳар чоракда	Молия вазирлиги, Автомобиль йўллари қўмитаси
5.	Ички хўжалик йўллари ва шаҳарлар, бошқа аҳоли пунктлари кўчалари учун маҳаллий вакиллик ҳокимиёти органлари томонидан жорий этиладиган йиғимлардан тушумлар.	Ҳар чоракда	Корақалпогистон Республикаси Вазирлар Кенгаши, вилоятлар ва Тошкент шаҳар ҳокимликлари
6.	Автомобиль йўллари ва кўчалар бўйлаб автомобиль сақлаш жойларидан фойдаланганлик учун тўловлардан келиб тушадиган маблағлар.	Ҳар чоракда	Корақалпогистон Республикаси Вазирлар Кенгаши, вилоятлар ва Тошкент шаҳар ҳокимликлари
7.	Транспорт воситаларини техник кўрикдан ўтказиш учун йиғимнинг базавий ставкасига қўшимча коэффициентларни кўллашдан тушадиган маблағлар.	Ҳар чоракда	Корақалпогистон Республикаси Вазирлар Кенгаши, вилоятлар ва Тошкент шаҳар ҳокимликлари

8.	Қорақалпоғистон Республикаси Молия вазирлиги, вилоятлар ва Тошкент шаҳар ҳокимликлари молия бош бошқармалари хузуридаги Автомобиль йўлларини ривожлантириш худудий мақсадли жамғармаларига Молия вазирлиги хузуридаги Автомобиль йўлларини ривожлантириш мақсадли жамғармасидан амалга ошириладиган трансфертлар.	Хар чоракда	Молия вазирлиги, Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари
9.	Умумий фойдаланишдаги автомобиль йўллари йўл бўйида жойлашган ер участкаларида ташки реклама обьектлари (конструкциялари) куриш учун электрон аукционлар якунлари бўйича хуқуқ тақдим этишдан тушадиган маблағлар, шунингдек, ташки рекламанинг ўрнатилган обьектлари (конструкциялари) учун ойлик тўловлар.	Хар чоракда	Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари, Автомобиль йўллари қўмитаси
10.	Умумий фойдаланишдаги автомобиль йўлларининг йўл бўйида жойлашган ер участкаларида ишлаб чиқариш, хизматлар кўрсатиш, савдо, сервис обьектлари, шунингдек, тадбиркорлик фаолиятининг бошқа обьектларини жойлаштириш ва қуриш учун мазкур ер участкаларидан фойдаланиш хуқуқини реализация қилишдан тушадиган маблағлар.	Хар чоракда	Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари
11.	Автомобиль йўлларини қуриш, реконструкция қилиш ва таъмирлаш обьектларида олиб борилаётган йўл қурилиш ишлари ҳамда обьектлар бўйича белгиланган тартибда тендер савдолари ўтказиш натижалари ҳақида маълумотлар.	Доимий	Автомобиль йўллари қўмитаси
12.	Вилоят, шаҳар ва туманлар кесимида тегишлилиги бўйича, обьектларда амалга оширилаётган ишлар тўғрисидаги маълумотлар (йўлларни лойиҳалаш, қуриш, таъмирлаш ва сақлаш ишлари харажатлар сметаси).	Хар чоракда	Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари
13.	Сув хўжалиги вазирлиги тизимидағи идоравий йўллар ва кўпиклар ҳолати, уларни қуриш, реконструкция қилиш, таъмирлаш ва сақлаш ишлари тўғрисида маълумотлар.	Хар чоракда	Сув хўжалиги вазирлиги
14.	Сув хўжалиги вазирлиги тизимидағи идоравий йўллар ва кўпиклар ҳолати, уларни қуриш, реконструкция қилиш, таъмирлаш ва сақлаш ишлари учун ажратилган маблағлар тўғрисида маълумотлар.	Хар чоракда	Молия вазирлиги, Сув хўжалиги вазирлиги
15.	Норматив-хуқуқий хужжатлар билан тасдиқланган автомобиль йўллари соҳасини ривожлантиришга оид «йўл ҳариталари», давлат ва инвестиция дастурлари ижроси бўйича маълумотлар.	Реал вақт режимида	Транспорт вазирлиги, Автомобиль йўллари қўмитаси
16.	Автомобиль йўлларини, шу жумладан, ички хўжалик йўллари ва шаҳарлар, бошқа аҳоли пунктлари кўчаларини ўзбошимчалик билан қазиши, уларда сунъий нотекисликлар ва тўсиклар яратиш, автомобиль йўлида ишларни амалга ошириш учун берилган рухсатномалар тўғрисида маълумотлар.	Реал вақт режимида	Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари
17.	Автомобиль йўлларини, шу жумладан, ички хўжалик йўллари ва шаҳарлар, бошқа аҳоли пунктлари кўчаларини ўзбошимчалик билан қазиши, уларда сунъий нотекисликлар ва тўсиклар яратиш, автомобиль йўлида ишларни амалга ошириш учун берилган рухсатнома талабларини бажармаслик, шунингдек, йўлларни сақлаш қоидаларини бузиш ҳолатлари бўйича маълумотлар.	Реал вақт режимида	Транспорт вазирлиги хузуридаги Йўл қурилиш ишлари сифатини назорат қилиш инспекцияси

Rishton tuman hokimining
 2022 yil 27 maydagi
 179-11-158-Q/22-son qaroriga
 2-ilova

Farg‘ona viloyat hokimining

2022 yil 11 apreldagi

149-11-0-Q/22-son qarori bilan tasdiqlangan

Туман (шаҳар)лар маҳаллий бюджетлари параметрларида ҳудудий ички хўжалик йўлларни таъмиrlаш учун ажратилган маблағларни жамоатчилик фикри асосида аниқланган ички хўжалик йўлларни таъмиrlашга йўналтириш тартиби тўғрисида

НИЗОМ

1-боб. Умумий қоидалар

1. Ушбу Низом туман (шаҳар)лар маҳаллий бюджетлари параметрларида ҳудудий ички хўжалик йўлларни таъмиrlаш учун ажратилган маблағларни жамоатчилик фикри асосида аниқланган ички хўжалик йўлларни таъмиrlашга йўналтириш тартибини белгилайди.

2. Ушбу Низомда қуйидаги асосий тушунчалардан фойдаланилади:

ички хўжалик йўллар реестри — республика бўйича барча шаҳарлар ва бошқа аҳоли пунктлари кўчалари, хўжаликлараро қишлоқ автомобиль йўллари, хўжалик автомобил йўлларини (кейинги ўринларда — ички йўллар) тўлиқ рўйхатини ўз ичига олган маълумотлар базаси;

ўртача нарх — бир квадрат метрлик ички йўлни таъмиrlаш учун талаб этиладиган харажатларнинг ўртача қиймати.

3. Туман (шаҳар) маҳаллий бюджети параметрларида ҳудудий ички йўлларни таъмиrlаш учун ажратилган маблағларнинг камида 50 фоизи «Очиқ бюджет» ахборот портали (кейинги ўринларда — ахборот портали) орқали билдирилган жамоатчилик фикри асосида аниқланган ички йўлларни таъмиrlаш тадбирларини молиялаштиришга йўналтирилади.

4. Қорақалпоғистон Республикаси Молия вазирлиги, вилоятлар ва Тошкент шаҳар ҳокимлиги молия бош бошқармалари томонидан ҳар йили 15 декабрь санасига қадар ҳисобот йили давомида амалга оширилган ички йўлларни таъмиrlаш учун сарфланган маблағлар асосида ўртача нарх шакллантирилади ва ахборот порталига киритилади.

5. Ҳар бир туман (шаҳар)да туман (шаҳар) маҳаллий бюджетлари параметрларида ҳудудий ички йўлларни таъмиrlаш учун ажратилган маблағлар миқдори ҳамда ҳудудлар бўйича аниқланган ўртача нарх туман (шаҳар) ҳокимларни томонидан ахборот порталида эълон қилинади.

6. Ахборот портали автоматик равишда ўртача нарх ва туман (шаҳар) маҳаллий бюджети параметрларидан келиб чиқиб, ҳар бир туман (шаҳар) бўйича таъмиrlанадиган ички йўлларнинг умумий ҳажмини аниқлайди.

2-боб. Ахборот портали орқали билдирилган жамоатчилик фикри асосида ички йўлларни таъмиrlашга доир таклифларни шакллантириш тартиби

7. Ички йўлларини таъмирлашга доир таклифлар ахборот портали орқали кенг жамоатчилик ва бевосита фуқаролар томонидан билдирилган фикрлар асосида шакллантирилади.

8. Жамоатчилик фикри асосида ички йўлларни таъмирлашда таклифларни қабул қилиб олиш ҳар йили 10 январга қадар, билдирилган таклифлар орасидан ғолиб таклифларни овоз бериш йўли билан аниқлаб олиш жорий йилнинг 31 январга қадар амалга оширилади.

9. Ахборот портали орқали таклифларни юбориш ҳамда овоз бериш жараёнида вояга етган фуқаролар иштирок этишлари мумкин.

10. Жамоатчилик фикри асосида ички йўлларни таъмирлаш учун туман (шаҳар) маҳаллий бюджети маблағларини йўналтириш ушбу Низомга [иловада](#) келтирилган схемага мувофиқ амалга оширилади.

11. Фуқаролар ҳар йили ички йўлларни таъмирлашга доир факат битта таклифни киритиши ҳамда битта таклифга овоз бериши мумкин. Фуқаролар ўзлари томонидан киритилган таклифга овоз бериши тақиқланади.

12. Ички йўлларни таъмирлашга доир таклифлар киритиш фуқаролар томонидан ахборот порталаида тақдим этилган Ички йўллар реестридаги тегишли ички йўллардан бирини танлаш орқали амалга оширилади.

13. Ахборот портали орқали таклиф киритиш бевосита порталда рўйхатдан ўтиш орқали амалга оширилади.

14. Фуқаролар томонидан танланган ички йўллар ахборот порталаида автоматик равища тақлиф сифатида шаклланади ва бошқа фуқароларнинг овоз бериши учун имконият яратилади.

15. Ҳар бир туман ва шаҳарларда билдирилган таклифлар бўйича берилган энг кўп овозлар сонидан келиб чиқиб, юқоридан пастга қараб сараланади.

16. Ғолиб таклифлар туман (шаҳар) маҳаллий бюджетлари параметрларида ҳудудий ички йўлларни таъмирлаш учун ажратилган маблағларнинг камида 50 фоизи доирасида таклифларни амалга ошириш қийматини ҳисобга олган ҳолда автоматик тарзда кетма-кетлик бўйича аниқланади.

17. Агар кетма-кетлик бўйича ғолиб деб топилган таклифларнинг амалга ошириш қиймати тегишли туман (шаҳар) маҳаллий бюджети параметрларида ҳудудий ички йўлларни таъмирлашга ажратилган маблағларнинг 50 фоизидан кам бўлса, тегишли туман (шаҳар) маҳаллий бюджети параметрларида ҳудудий ички йўлларни таъмирлашга ажратилган маблағлар қийматидан ортиқ бўлмаган кетма-кетлик бўйича навбатдаги тақлиф ҳам ғолиб деб топилади.

18. Ҳар бир ғолиб деб топилган тақлиф учун алоҳида ғазна ҳисобварағи очилади ва тегишли маблағлар ўтказиб берилади.

19. Ғолиб деб топилган тақлифлар учун ажратиладиган маблағларнинг қиймати ҳисоб-китобига лойиҳа-смета хужжатлари асосида аниқлик киритилади. Бунда, лойиҳа-смета хужжатлари асосида аниқлик киритилган қиймат ғолиб деб топилган тақлиф дастлабки қийматининг 5 фоизидан ошиб кетишига йўл қўйилмайди. Аниқлик киритилган лойиҳа-смета хужжатларига асосан тақлифни амалга ошириш қиймати дастлабки тақлиф қийматининг 5 фоиздан ошиб кетган ҳолларда лойиҳа-смета хужжатлари қайта кўриб чиқилади.

20. Агар ғолиб деб топилган тақлифда кўрсатилган ички йўлларни таъмирлаш жорий йилда Ўзбекистон Республикаси Президенти, Ҳукуматнинг тегишли қарорлари ёки ривожлантириш дастурлари доирасида бошқа манбалар ҳисобидан таъмирланиши назарда тутилган бўлса, ахборот

порталига Қорақалпоғистон Республикаси Молия вазирлиги, вилоятлар ва Тошкент шаҳар ҳокимлиги молия бош бошқармалари томонидан ушбу таклифни бошқа манбалар ҳисобидан молиялаштирилиши учун асос бўлувчи хужжатлар юкланди ҳамда ушбу таклиф автоматик равишда ахборот порталидаги ғолиблар рўйхатидан чиқарди.

Бундай ҳолларда ахборот порталида кетма-кетлик бўйича ғолиблар рўйхатини қайта шакллантирилади.

21. Ғолиб деб топилган таклифлар Ички йўллар реестрида қайд этиб борилиб, келгуси уч ийил давомида қайта таклиф бериш имконияти берилмайди.

22. Ғолиб деб топилган таклифлар бўйича лойиҳа-смета хужжатлари ушбу таклифларни илгари сурган фуқаролар жалб қилинган ҳолда ишлаб чиқилади, фуқаролар томонидан иштирок этиш рад этилган ҳолатлар бундан мустасно.

3-боб. Ахборот портали орқали билдирилган жамоатчилик фикри асосида ички йўлларни таъмирлашни молиялаштириш тартиби

23. Ғолиб деб топилган таклифлар бўйича ички йўлларни лойиҳалаштириш, таъмирлашда туман (шаҳар) ободонлаштириш бошқармалари буюртмачи вазифасини бажаради.

24. Туман (шаҳар)лар маҳаллий бюджетлари параметрларида ҳудудий ички йўлларни таъмирлаш учун ажратилган маблағлар тегишли тартибда туман (шаҳар) молия бўлимлари томонидан туман ва шаҳар ободонлаштириш бошқармалари томонидан ички йўлларни таъмирлашга масъул ваколатли органга ўтказиб берилади.

4-боб. Ахборот портали орқали билдирилган жамоатчилик фикри асосида ички йўлларни таъмирлашни молиялаштириш бўйича ҳисобдорлик

25. Туман (шаҳар)лар маҳаллий бюджетлари параметрларида ҳудудий ички йўлларни таъмирлаш учун ажратилган маблағлардан самарали фойдаланишини таъминлаш ҳамда жамоатчилик назоратини ўрнатиши мақсадида ғолиб деб топилган таклифларни молиялаштириш учун очилган газна ҳисобварақлар ахборот порталига бириктирилади ва фойдаланувчиларга ажратилган маблағлар ва уларнинг сарфланиши юзасидан реал вақт шароитида маълумотлар билан танишиб бориш имконияти яратилади.

26. Ахборот портали орқали билдирилган жамоатчилик фикри асосида таъмирланган ички йўллarda амалга оширилган ишлар юзасидан туман (шаҳар) ободонлаштириш бошқармалари томонидан мажбурий равишда кўргазма планшетлари ўрнатилади.

Планшетларда ахборот портали орқали тегишли ички йўлни таъмирлашга доир келиб тушган таклифга йўналтирувчи «QR» штрих-код билан тасвиirlанган веб-манзил акс эттирилади.

27. Ахборот портали орқали жамоатчилик назоратини ўрнатиши ва маблағлардан самарали фойдаланишини таъминлаш мақсадида жамоатчилик фикри асосида шакллантирилган тадбирларни амалга ошириш босқичлари бўйича ташаббускорлар қуидаги ҳолларда СМС-хизмати орқали хабардор этиб борилади:

таклиф ғолиб деб топилганда;

ғолиб деб топилган таклифни молиялаштириш учун маблағ ҳисобвараққа келиб тушганда;

ғолиб деб топилган таклифни амалга ошириш мақсадида шартнома имзоланганда (пудрат ташкилоти номи, шартнома суммаси ва давлат харидлари порталидаги маҳсус рақами);

молиялаштириш учун ажратилган маблағлар ҳисобидан харажатлар амалга оширилганда (қайси ташкилотта маблағ ўтказилғанлиги, маблағ миқдори ва түлов мақсади).

28. Ғолиб деб топилған таклифлар асосида манзилли рўйхатга киритилган ички йўллари бўйича лойиҳа хужжатларини, ишлар рўйхатини тасдиқланиши тўғрилигини, бюджет маблағларини мақсадли сарфланғанлиги, тасдиқланган лойиҳа хужжатлари асосида олиб борилаётган таъмирлаш ишлари ҳажми ва сифати устидан жамоатчилик назорат ўрнатиш мақсадида ушбу таклифларни илгари сурған фуқаролар жалб қилинади фуқаролар томонидан иштирок этиш рад этилган ҳолатлар бундан мустасно.

Бунда, ахборот порталида ҳар бир лойиҳалар бўйича жамоатчилик назорати натижалари жойлаштирилади ва ҳар бир таклиф ва эътиrozларга маҳаллий органлар ва буюртмачилар томонидан асослантирилган жавоблар қолдирилади.

5-боб. Якунловчи қоидалар

29. Ушбу Низомга асосан ички йўлларни таъмирлаш тадбирлари учун ажратилган маблағларнинг мақсадли сарфланиши, кейинчалик ушбу йўллардан фойдаланиш бўйича ички йўлларни таъмирлаш учун масъул ваколатли орган шахсан жавобгар ҳисобланади.

30. Туман (шаҳар)лар маҳаллий бюджетлари параметрларида ҳудудий ички йўлларни таъмирлаш учун ажратилган маблағлардан белгиланган мақсадларда ва самарали фойдаланиши устидан назорат Молия вазирлиги Давлат молиявий назорати департаменти ва унинг ҳудудий бошқармалари томонидан амалга оширилади.

31. Ушбу Низомга мувофиқ таъмирланган йўлларнинг давлат стандартларига мувофиқ эканлиги ва техник талабларга мослиги устидан доимий назорат Йўл-курилиш ишлари сифатини назорат қилиш инспекцияси томонидан амалга оширилади.

32. Ушбу Низом талаблари бузилишида айбдор бўлган шахслар қонунчилик хужжатларига мувофиқ жавобгар бўлади.

Туман (шаҳар)лар маҳаллий бюджетлари параметрларида худудий ички хўжалик йўлларини таъмирлаш учун ажратилган маблағларни жамоатчилик фикри асосида аниқланган ички хўжалик йўлларни таъмирлашга йўналтириш тартиби тўғрисида [низомга](#)
ИЛОВА

**Жамоатчилик фикри асосида ички хўжалик йўлларни таъмирлаш учун туман (шаҳар)
бюджети маблағларини йўналтириш**

СХЕМАСИ

Босқичлар	Субъектлар	Тадбирлар	Муддатлар
1-босқич	Туман (шаҳар) ҳокимликлари	1. Туман (шаҳар) маҳаллий бюджетлари параметрларида худудий ички хўжалик йўлларини таъмирлаш учун ажратилган маблағлар миқдори ҳамда худудлар бўйича аниқланган ўртача нарх суммаси ахборот порталида эълон килинади.	Ҳар йили 15 декабрга қадар
	Туман (шаҳар) ҳокимликлари	2. Расмий веб-сайтлар, худудий ОАВ орқали таклиф билдириш жараёни бошланиши ҳақида эълон беради.	Ҳар йили 15 декабрга қадар
2-босқич	Ташаббускор фуқаролар	Фуқаролар томонидан Ички хўжалик йўлларини таъмирлаш юзасидан «Очиқ бюджет» ахборот порталида тақдим этилган Ички хўжалик йўллари реестридан тегишли ички хўжалик йўлларидан бирини танлаш орқали таклиф қолдирилади.	Ҳар йили январь ойининг 10 санасига қадар
3-босқич	Овоз бериш истагини билдирувчи фуқаролар	Билдирилган таклифлар орасидан таклифларга овоз беради.	Молия йилининг 10 — 31 январь кунлари давомида

4-босқич	«Очиқ бюджет» ахборот портали	Туман (шахар) маҳаллий бюджетлари параметрларида ҳудудий ички хўжалик йўлларини таъмирлаш учун ажратилган маблағларнинг камидаги 50 фоизи доирасида таклифларни амалга ошириш қийматини ҳисобга олган ҳолда автоматик равишда кетма-кетлик бўйича ғолиб таклифлар аниқланади.	Февраль ойида
5-босқич	Туман (шахар) молия бўлимлари	Ҳар бир ғолиб деб топилган таклиф учун алоҳида ғазна ҳисобвараги очилади ва тегишли маблағлар ўтказиб берилади.	Апрель ойида
6-босқич	Туман (шахар) ободонлаштириш бошқармалари	Ғолиб деб топилган таклифлар учун ажратиладиган маблағларнинг қиймати ҳисоб-китобига лойиҳа-смета ҳужжатлари асосида аниқлик киритилади.	Апрель ойида
7-босқич	Ободонлаштириш бошқармалари	Ажратилган маблағлар доирасида ички хўжалик йўлларини таъмирлаш учун пудратчи ташкилот билан шартномалар расмийлаштирилиб, ишлар бажарилади.	Йил давомида
8-босқич	Туман (шахар) ободонлаштириш бошқармалари	Таъмирланган йўлларга махсус «QR» штрих-код туширилган кўргазма планшетлар ўрнатилади.	Таъмирлаш ишлари якунлангандан сўнг

(Конунчилик маълумотлари миллий базаси, 03.02.2022 й., 09/22/49/0091-сон)